



IL DISCURS DA PRESENTAZIUN

Vus essas envidada u envidà ad in discurs da preschentaziun? Cordiala gratulaziun, l'emprim obstachel avais Vus dumagnà! Vossa annunzia ha persvas la firma e Vus essas en la stretga tschernha. Durant il discurs da preschentaziun avais Vus ussa la schanza d'As preschentar e da persvader la firma che Vus adempleschias vairamain las pretensiuns. Las personas responsablas da persunal dal manaschi vulan eruir en il discurs, schebain il manaschi e la candidata u il candidat van a prà in cun l'auter. As preparai perquai bain per il discurs.

Preparaziun

- **Cumpilar ils documents:** Elavurai ina mappa che cuntegna la brev d'invitaziun, las adressas da contact da Vossa partenaria u da Voss partenari da discussiun, Vossa brev d'annunzia, ina glista cun Vossas dumondas, evtl. er ina glista da referenzas. Ponderai nua che Vus vulais far Vossas notizias. **Esser ad uras:** Scleri il temp che Vus duvrais per il viadi e planisai Voss temp uschè che Vus essas 5 minutas avant il discurs al lieu. Uschè avais anc temp per trair flad in zichel.
- **Il dretg outfit:** La vestgadira dependa da la branscha. Cumparai vestgadira netta e cultivada, en la quala Vus As sentis bain.
- **La preparaziun:** Sche Vus essas malsegira u malsegir, pudais Vus exercitar il discurs davant il spivel u cun ina autra persuna. La firma spetga che Vus vegnias bain infurmada u bain infurmà al discurs. As ponderai respostas sin dumondas pussaivlas.

Dumondas pussaivlas dal manaschi

- Descrivi Vossa furmaziun professiunala.
- Daco vulais Vus midar piazza e pertge essas Vus As annunziada u annunzià gist tar nus?
- Tge savais Vus da noss manaschi (products / martgà / clientella / concorrenza / cultura da la firma)?
- Tge qualifitgescha Vus per questa piazza? Pertge duessan nus gist tscherner Vus? (Pensai ad exempels, cun ils quals Vus pudais illustrar Voss talents, Vossas abilitads e Vossas valurs.)
- Tge è Vossa finamira da carriera? Nua vulais Vus esser en 5/10 onns?
- Tge èn las pli impurtantas incumbensas en Vossa piazza actuala? Tge As ha plaschi bain en Vossa ultima piazza? Tge main?
- Fermezzas/flaivlezzas: As descrivai cun trais adjectivs.
- Tge experientschas han furmà il pli fitg Vossa personalitad?
- Co vegnis Vus a frida cun pressiun e critica?
- Co As imaginais Vus Vossa paga brutto da l'onn? www.lohnrechner.ch, www.entsendung.admin.ch/Lohnrechner
- Avais Vus anc ulteriuras plazzas en vista?

Dumondas pussaivlas da Vos

- Ma pudais Vos descriver co mes di da lavur tipic vesa or?
- Co vesa il temp da lavur ora?
- Nua fiss mes plaz da lavur e co è quel equipads?
- Tge champs d'incumbensas vegnan ad avair prioritad?
- Co sa cumpona il team?
- Dat i pussaivladads da sa furmar enavant?

Durant il discurs

Decisiva per il success dal discurs da preschentaziun e per Vossa annunzia è l'impressiun persunala. Sajas alert u alerta ed As mussai autentica u autentics!

- As preschentai cun segirezza e salidai Voss partenaris da discussiun cun num, cun ina ferma stenschida da maun accumpagnada d'in surrir amicabel.
- Faschai atenziun a Vossa posiziun da corp.
- Na emblidai betg da metter ord funcziun il tun ed l'alarm da vibraziun da Voss telefonin!
- Mantegnai ina tenuta ruassaivla, amiaivla ed objectiva en mintga situaziun.
- Tadlai attentamain e cun interess e tegnai contact visual cun Voss visavi. N'interrumpai betg Voss partenaris da discussiun.
- Respundi ponderadamain e precisamain en entiras frastas a las dumondas tschentadas.
- Mussai interess per la firma.
- Sche Vos n'avais betg chapì ina dumonda, pudais Vos dumandar suenter ("Hai jau chapi precis Vossa dumonda? Vos vulais savair sche...").
- Tschentai dumondas avertas che pon vegnir respundidas detagliadamain e na betg sulettamain cun «gea» u «na».
- Na faschai mai remartgas negativas davart Voss anteriurs patruns.
- Finiziun dal discurs: As infurmai davart ils proxims pass: Vegn insatgi a telefonar a Vos? Cura? Èn proximas scuntradas previsas? Entaifer tge temp? Engraziài per l'atenziun e per il temp ch'ins ha prendì per Vos.

Suenter il discurs

- Tge sentiment avais Vos?
- Tge è stà bun en il discurs e tge main bun? Vusch, posiziun, respostas a las dumondas e.u.v.
- As sentissas Vos bain en il manaschi?
- Essas Vos motivada u motivà da cumenzar questa piazza? Lura scrivai in curt e-mail da motivaziun (8 fin 10 lingias). Engraziài per il discurs e signalisai Vossa motivaziun per la piazza publitgada. Duvrai latiers ils chavazzins da Vossa partenaria u da Voss partenari da discussiun.
- Dumandar suenter: Sche Vos n'avais udi nagut dal manaschi suenter il discurs da preschentaziun dastgais Vos As infurmar per telefon u per e-mail.

Ulteriuras infurmaziuns

- www.berufsberatung.ch/bewerbung
- www.be-werbung.ch
- www.arbeit.swiss
- Fegls d'infurmaziun CIP: La tschertga da plazzas, La annunzia, La brev d'annunzia, Il curs da la vita

Funtauna: Arbeit.swiss, kvschweiz, kvzürich, staufenbiel Institut

Quest fegl d'infurmaziun na pretenda betg d'esser cumplets.

© CPSC Grischun, mars 2023/yk

CIP Grischun

Vos As vulais far ina midada professiunala? Vos As vulais perfecziunar, ma na savais betg propi en tge direcziun? Las cussegladras ed ils cussegladers As sustegnan a concepir Vossa carriera.

- www.berufsbildung.gr.ch
- biz@afb.gr.ch